



Christianus à Bucke ob magnarum rerū peritiam Archiepiscopus Moguntinus electus fuit. Erat etiam corporis robore et singulari facundia conspicuus. Itaq; Fridericus Imperator eū suū cancellarium constituit, atq; res maximas Imperij ei administrandas commisit. Postea etiam pontifex eum suum Legatum per Germaniam ordinavit. Eo autem tempore Episcopi aliquoties copiarum duces erant, atq; Cæsaris nomine exercitus ducebant. Vnde Christianus Anno 1172 copias apud Brabantinos colligens in Italiam profectus est, ac Tusciam & Lompardiam Imperatori rebelantes compescuit. Accidit quandoq; cum præ-

lium iniretur, ut Christianus armis conspicuus sua manu nouem fortissimos hostium milites trucidarit, ac magnam suę fortitudinis laudem impetrarit. Pariratione etiam Bononienses secum decertare ausos superauit, atq; eorum urbem in potestatem redegit.